

Condicións Particulares do Contrato de Subministración de Gas

TARIFA E PREZO

Tarifa: Precio fijo

De acordo coa tarifa elixida polo CLIENTE, o Prezo estará constituído polos seguintes conceptos:

- **TERMO FIXO:** O seu importe obtense multiplicando o número de días da subministración polo prezo fixado pola COMERCIALIZADORA. Non depende do consumo, e inclúe o custo das peaxes e cargos vixentes en cada momento (*).

O seu valor actual é:

- Tarifa de acceso RL01: 5,871248 €/mes (7,104210 €/mes impostos incluídos).
- Tarifa de acceso RL02: 10,188311 €/mes (12,327856 €/mes impostos incluídos).

- **TERMO DE ENERXÍA CONSUMIDA (TEC):** O importe obtense multiplicando a Enerxía Consumida (kWh) polo CLIENTE durante o período de facturación polo resultado da suma das Peaxes e Cargos vixentes en cada momento (*) e o Custo da Enerxía fixado pola COMERCIALIZADORA.

O seu valor actual é:

- Tarifa de acceso RL01: 0,088000 €/kWh (0,106480 €/kWh impostos incluídos).
- Tarifa de acceso RL02: 0,084000 €/kWh (0,101640 €/kWh impostos incluídos).

- (*) As **peaxes e cargas** actualízanse periodicamente pola CNMC, de acordo coa Circular 6/2020, de 22 de xullo, pola que se establece a metodoloxía para o cálculo das peaxes de transporte, redes locais e regasificación de gas natural, e polo Ministerio para a Transición Ecolóxica e o Reto Demográfico, de acordo co Real Decreto 1184/2020, de 29 de decembro, de metodoloxía de cálculo de cargas do sistema gasista. Aplicaráselles a cota para o financiamento da retribución do xestor técnico do sistema e Taxa da CNMC e calquera outra taxa que for de aplicación.

- Sen prexuízo da cláusula 11 (Modificación) das condicións xerais deste Contrato, de maneira adicional ás actualizacións de prezo nas prórrogas anuais, a Comercializadora poderá realizar unha actualización de prezos notificándollo ao cliente cun preaviso dun mes de antelación. A comunicación incluírá unha detallada comparativa entre prezo e importe anterior e posterior á mudanza, de acordo coa lexislación vixente. O Cliente poderá rescindir o Contrato sen custo ningún.

Caso de actualización, o novo prezo será, como máximo e sen prexuízo de a Comercializadora poder aplicar un prezo menor, o resultado da seguinte fórmula:

Novo Prezo = Custo Enerxía + Peaxes * Taxas

Custo Enerxía = $[(PM + CD + FNEE) * (1+Mer) + PFA] * (1+TM/(1-TM))$. Onde:

- PM (Prezo Molécula): Media aritmética do “Settlement price”, publicado por OMIP (www.omip.pt), dos produtos FGF M dos seis meses naturais seguintes ao mes no que se realiza a comunicación. Tomaranse os valores publicados o derradeiro día laborable (non festivo segundo o calendario de OMIP) do mes anterior á comunicación. A esta media sumaráselle un importe en concepto de prima de risco por baixa liquidez de mercado con valor de 0,008 €/kWh.
- CD: Un parámetro fixo, cun valor do 5% en concepto das penalizacións por desbalances do sistema aplicado sobre o prezo da molécula.
- FNEE: Tomaranse os valores medios dos últimos 6 meses naturais anteriores ao momento da comunicación.
- Mer (Mermas): Un parámetro fixo, cun valor do 1,5% en concepto das mermas de gas por regasificación, transporte e distribución. Adicionalmente sumaráselle unha prima de risco dun 0,5% en concepto de futuras reliquidacións das distribuidoras.
- PFA: Un parámetro fixo adicional, cun valor de 0,07 €/kWh en concepto de custos operativos, custos financeiros e marxe de comercialización.
- TM: Taxa de ocupación da vía pública, vixente no momento da comunicación, regulada no artigo 24.1.c) do texto refundido da Lei Reguladora das Facendas Locais aprobado polo Real Decreto Lexislativo 2/2004, do 5 de marzo, actualmente 1,5%.

Na primeira revisión semestral de prezos, que poderá ter lugar aos seis meses desde a activación do contrato, o prezo revisado non se incrementará en ningún caso en máis de 0,025€/Kwh.

- **DESCONTO EN TELECOMUNICACIÓNS (R):** O CLIENTE poderá beneficiarse dun desconto de 2,48 € máis impostos (3,00 € na península IVE incluído), aplicado no produto de telecomunicacións de R que dispoña e sexa elixido polo CLIENTE.

Este desconto xerarase o derradeiro día de cada mes e aplicarase na seguinte factura de servizos de telecomunicación. Será de aplicación coa condición de que:

- i) o CLIENTE teña contratados servizos de telecomunicacións de pospago con R e o produto de telecomunicacións seleccionado se atope activo nesa data e
- ii) o CLIENTE se atope ao corrente das obrigas de pagamento derivadas do seu contrato de enerxía e de telecomunicacións no devandito momento.

O CLIENTE poderá aplicar tantos descontos no seu produto de telecomunicacións coma contratos de enerxía teña coa COMERCIALIZADORA, cun límite mensual destes descontos do importe total mensual do produto de telecomunicacións seleccionado. O exceso de desconto non se acumulará nin aboará.

O desconto será aplicable durante o tempo de vixencia conxunta de ambos os dous contratos. Caso de, en calquera momento, o CLIENTE efectuar a baixa do servizo contratado con R ou coa COMERCIALIZADORA, a presente condición deixará de estar vixente entre as partes e, xa que logo, deixarase de aplicar o citado desconto. Caso de dar de baixa o contrato de enerxía, aplicarase o desconto rateándose en proporción ao número de días do mes nos cales o contrato permaneza activo.

- **OUTROS CONCEPTOS REGULADOS:**

- **Alugueiro de contador:** Caso de se atoparen o equipo de medida e o resto dos compoñentes da medida instalados en réxime de alugueiro, os prezos que se facturen polo devandito alugueiro serán os regulamentariamente vixentes en cada momento e fixados polo Ministerio. O CLIENTE pode consultar os prezos vixentes do alugueiro dos equipos de medida que percibe a empresa Distribuidora en <https://www.boe.es/buscar/act.php?id=BOE-A-2018-17607>, que se repercuten ao CLIENTE sen marxe adicional.
- O **resto de conceptos regulados**, como dereitos de enganche, extensión, canon IRC, canon de predio, inspeccións, etc., son determinados pola Distribuidora segundo a regulación vixente e son repercutidos ao Cliente sen ningunha marxe adicional.

As variacións das tarifas de acceso, peaxes e cargas, así como calquera modificación, creación ou eliminación doutros conceptos regulados que poida modificar ou establecer a Administración, repercutiranse de xeito automático ao consumidor dende a data de entrada en vigor das devanditas mudanzas, sen que iso teña a consideración de modificación das condicións contractuais do presente Contrato.

- **IMPOSTOS APLICABLES LEGALMENTE ESIXIBLES.** Aos prezos aplicarase calquera imposto legalmente esixible que se atope en vigor. No momento da sinatura do presente Contrato, os devanditos impostos son o Imposto especial sobre hidrocarburos e o IVE ou o imposto indirecto correspondente en Canarias, Ceuta e Melilla. O prezo con impostos axustarase ás posibles variacións impositivas aplicables, calquera que for a súa duración temporal.
 - O Imposto especial sobre hidrocarburos grava o consumo de hidrocarburos e régúlase nos arts. 46 a 55 da Lei 38/1992, de 28 de decembro, de Impostos Especiais. Pode consultarse en <https://www.boe.es/buscar/act.php?id=BOE-A-1992-28741>.
 - O IVE régúlase na Lei do Imposto sobre o Valor Engadido 37/1992, de 28 de decembro. Pode consultarse en <https://www.boe.es/buscar/act.php?id=BOE-A-1992-28740>.
 - En Canarias aplicarase o IXIC (Imposto Xeral Indirecto Canario). O IXIC atópase regulado na Lei 20/1991, de 7 de xuño, e pode accederse a ela en <https://www.boe.es/buscar/act.php?id=BOE-A-1991-14463>.
 - En Ceuta e Melilla aplicarase o IPSI (Imposto sobre a produción, os servizos e a importación). O IPSI régúlase na Lei 8/1991, de 25 de marzo, <https://www.boe.es/buscar/act.php?id=BOE-A-1991-7645>.
- Os gastos de devolución da entidade bancaria, os gastos derivados da cobranza extemporáneo, falta de pagamento e outros gastos de xestión administrativa análogos serán repercutidos ao CLIENTE cando se deban á falta de fondos ou outras causas imputables ao CLIENTE, correspondendo un importe de ata 15 (quince) euros máis impostos, acumulables ao importe pendente das facturas impagadas.